

Wapiyaro' Kareta Isaan Winipaino

Ekamanin

Wapiyaro' Kareta Isaan Winipaino esi eke ton asa'ron ku'nin pe: Imenukasa' ennin nan pori'manin pe Papa pokon pe miri awonsi'ki Imu Sises Kurai pokon pe tũuko'mansan pe to' e'to' pe, miri awonsi'ki to' panamanin pe ennakon pe enupan nito' namai' seri si to' pokon pe e'nito' ma'tanũ'nin. Seri enupan nito' esi apuri wini non eseru wini iri esi tukai', miri pi' si Sises, Papa Mumu, esi'pũ poken pũra iyesei ka'pon pe. Kamoro si ti'sa amũ' uya ta epika'tin nito' pe emo'kan nito' pe iyesei uko'man nito' yapai seri non po; miri awonsi'ki to' uya kanan enupan ni'pũ epika'tin nito' esi waku pe ri iteseru e'ni uya miri pe pũra tũron kon i'nũnka uya ri ikupu pen ta.

Seri nin si enupan nito' esi miri kane tawon pe miri pi' imenukanin uya ekama Sises Kurai kuru ri esi'pũ ka'pon pe tukai', miri awonsi'ki ekama iya kuru tanporon kon Sises apurinin nan miri awonsi'ki Papa i'nũnkanin nan uya ri mari tũtonpa kon i'nũnkato' pe iyesei tukai'.

Iyawon Ekamanin

Ekamanin (1:1-4)

Iweyu miri awonsi'ki ewarupi (1:5—2:29)

Papa munki miri awonsi'ki Makoi munki (3:1-24)

I'napairon miri awonsi'ki ipokena' pen (4:1-6)

Usi'nũnkan tũrawasooi (4:7-21)

Entakanin apurito' (5:1-21)

Uko'man Nito' Maimu

1 Iyepiya'ti si'kiron, ina neta'pũ, ina nene'pũ tenu kon ke, ina nenpitu'pũ, miri awonsi'ki ina emiyatu na'pitu'pũ—seri pi' ina usaurokũ Uko'man Nito' Maimu pi'. ²Uko'man nito' usenpoika'pũ; ina uya ene'pũ, miripan ekama ina uya, miri tiwiri ri uko'man

nito' pi' ina uya ayauro'ka kon, Ikuipũnũ piyawon usenpoika'pũ ina piya'. ³Ina nene'pũ, ina neta'pũ ekama ina uya ipi'nokon; miri pi' a'samutu yau e'nito' kon pe. Miri awonsi'ki Ikuipũnũ miri awonsi'ki Imu, Sises Kurai pokon pe a'samutu yau e'ni'nokon. ⁴Seri si menuka ina uya mararon pe pũra pori' pe e'nito' kon pe.^a

^a 1:4 Tũron ni ton emennũ'pũ pe imenukasa' ton uya, *mararon pe pũra pori' pe iwe'to' kon pe ta.*

Iweyu Yau Usarin

⁵Se main, ina neta'pɔ iwinon ekama ina uya ipi'nokon: Papa esi iweyu pe; ewarupi pɔra kuru ri iyesi iyau. ⁶Iyamɔtɔ pe e'ni ta yau e'tane ewarupi yau ri itii'ma, kasi pe ri e'ni, i'napairon yau iko'mamɔi'ma pɔra ri. ⁷E'tane iweyu yau utin pe iyesi yau, iweyu yau iyesi na'ne' kasa, isitonpa pe a'samɔtɔ yau ri e'ni'nokon, Sises si, Imu mɔnɔ uya ukorɔka kon tanporon makoi apai.^b

⁸Imakooi pɔra usi'tun pe iyesi yau, usenku'tin pe ri iyesi iwano' wannɔ pe ri, miri awonsi'ki i'napairon pɔra ri iye'tane uyau'nokon. ⁹Umakooi kon ekamasa' pe iyesi yau, ta'pɔ tɔuya awiri iyesi miri awonsi'ki wakɔ pe ri upi'nokon iyesi, isentu'ma ri upi'nokon, miri awonsi'ki ukorɔka iya 'nokon ni tanporon ipoken pɔra e'nito' apai. ¹⁰Umakoitan nisa' pɔra iyesi ta'nokon yau, kasi ye' pe ri Papa kupɔ'nokon miri, imaimu pɔra iyesi uko'man nito' kon yau.

Kɔrai, Upika'tinin Kon

2 ¹Seri menuka uya seri iyena'nokon, umunki amɔ ru'kwɔ, iye'makoima kon namai'. E'tane inɔ' ri e'makoimasa' yau, moro man Sises Kɔrai, Ipokena' ri, uwapu'ti kon pe Ikuipɔnɔ

auro'kanin. ²Kɔri ri uya umakooi kon e'masa' seri^c —uri'nokon makooi riken pen, e'tane tanporo pata awiron kon makooi ri niri.

³I'tu tukai' kuru ri e'ni, apiyontin nito' iyawiri e'ni yau. ⁴Kɔri ri i'tu uya tawon pe esii'ma, apiyontin nito' iyawiri pɔra na'ne' esi miri kasi ye' pe, i'napairon pɔra ri iyesi iyau. ⁵E'tane inɔ' ri imaimu awiron esi yau, Papa usi'nɔnkato'^d kuru ri esi miri iyau mararon pe pɔra ri, wakɔ pe kuru ri. Se kasa iyau e'ni tukai' i'tu miri: ⁶Inɔ' uya ri Sises yau esi ta a'tai, iyesi'pɔ kasa ri iye'to' pe iyesi.

⁷Utonpa ton nɔ'kwɔ, emenna' pen ni apiyontin nito' menuka uya seri iyena'nokon, e'tane penaro' ri, iyepiya'ti yau ineporo'pɔ kon ni. Seri apiyontin nito' esi penaro' ri inetakaa'pɔ kon. ⁸E'tane seri emenna' apiyontin nito' menuka uya seri iyena'nokon; miri i'napairon usenpoikasa' Sises yau miri awonsi'ki ayau'nokon niri, apɔne pɔra ewarupi utin pi' man miri awonsi'ki i'napairon iweyu pe te'sen ne'wei'tika'an.

⁹Inɔ' ri iweyu yau esi tai'ma tɔtonpa ewaruma'tiyai'ne' esi miri ewarupi yau ri seri pona ri. ¹⁰Inɔ' ri tɔtonpa i'nɔnkanin uko'mamɔ miri iweyu yau, i'ri pɔra iyesi iyau tɔtonpa uta'mo'ka emapu'tito' iya wini.^e ¹¹E'tane kɔri ri tɔtonpa

^b 1:7 tanporon makoi apai; miri pe pɔra, makoi apai'ne ri. ^c 2:2 Kɔri ri uya makooi kon e'masa' seri; miri pe pɔra, Kɔri ri kɔri ri Papa uya kota'man nito' i'ni'panu'nin, umakooi kon mo'kanin. ^d 2:5 Papa usi'nɔnkato'; miri pe pɔra, Papa i'nɔnkato' iya ^e 2:10 i'ri pɔra iyesi iyau tɔtonpa uta'mo'ka emapu'tito' iya wini; miri pe pɔra, i'ri ri ita'mo'ka emapu'tinin pɔra ri iyesi iyau.

ewaruma'tinin esi miri ewarupi yau, iyau utin pi' iyese. Tautito' ya' i'tu iya p̄ra iyese, ewarupi uya tenku'ne iku'sa' pi'.

¹²Kareta menuka uya seri iyena'nokon, umunki am̄' r̄'kw̄i, ap̄ne p̄ra amakooi kon pi' isentu'masa' pi' tese' awiri.

¹³Kareta menuka uya seri iyena'nokon, papai pokon, ap̄ne p̄ra k̄ri ri iko'mansa' iyepiya'ti'p̄ si'kiri ri i'tu auya'nokon pi'.

Kareta menuka uya seri iyena'nokon, moineri'san, ap̄ne p̄ra iri entai iwe'sa' kon pi'.

Kareta menuka uya seri iyena'nokon, umunki am̄' r̄'kw̄i, ap̄ne p̄ra Ikuip̄n̄u i'tusa' auya'nokon pi'.

¹⁴Kareta menuka uya seri iyena'nokon, papai pokon, ap̄ne p̄ra i'tu auya'nokon pi' k̄ri ri iyepiya'ti si'kiron.

Kareta menuka uya seri iyena'nokon, moineri'san, ap̄ne p̄ra pana' pe iyesi kon pi', miri awonsi'ki Papa Maimu esi ayau'nokon pi', miri awonsi'ki iri entai iwe'sa' kon pi'.

Oru Kusi'nunkatuu

¹⁵Oru kusi'nunkatuu, miri pe p̄ra i'ri ri oru po te'sen. In̄u uya ri oru i'nunka yau, Ikuip̄n̄u i'nunkato' iya p̄ra iyese miri iyau. ¹⁶Ap̄ne p̄ra tanporon oru pon—ka'pon e'to' tarui pe ipi', itenu taruipanin, miri awonsi'ki mi pe iye'ku'to' timamin ke tesi pi'—seri ton esi miri Ikuip̄n̄u winon pe p̄ra, e'tane oru winon pe iyese. ¹⁷Oru, miri awonsi'ki iyau'ne na'ne' taruipanin p̄ra ri iyena, e'tane k̄ri ri i'se Papa e'to' ku'nin uko'mam̄ miri tiwiri ri.

Panaman

Ennakanin K̄rai Namai'

¹⁸Umunki am̄' r̄'kw̄i, iweyu u'ma'to' uye'sa' man; eta'p̄ auya'nokon kasa ri K̄rai pe itese' ennakanin t̄uye'ton tawon, seri pe tu'ke to' uye'sa' man. Seri kasa iyese pi' i'tu iweyu u'ma'to' uye'sa' tukai'. ¹⁹Uyipapai'nokon to' uti'p̄, ap̄ne p̄ra utonpa kon am̄' pe p̄ra tesi kon pi'. Utonpa kon pe to' esi yau, moro to' nesii'no; to' uti'p̄ uya ekama utonpa kon pe p̄ra ri to' esi'p̄ tukai'.

²⁰Imiri'nokon man Wak̄ nukarapaima'san pe, miri awonsi'ki tanporo imiri'nokon uya i'napairon i'tu.^f ²¹I'napairon i'tu auya'nokon p̄ra iyese pi' imenuka uya 'nokon pen, e'tane i'napairon i'tu auya'nokon pi', kasi pe te'sen uye'p̄ pen miri i'napairon wini.

^f2:20 tanporo i'napairon i'tu auya'nokon, ta t̄ron ni ton imenukasa' uya.

22 Inu' esi kasi ye' pe? Kuri sa'ne Sises esi Kurai pe tukai' i'tunin pe pura te'ku'sen. Kuri ri esi miri Kurai pe itese' enakanin pe—Ikuipunu miri awonsi'ki Imu i'tunin pe pura ne'ku'ai'ne'. 23 Inu' ri Imu pi' kane tawon esi yau, Ikuipunu anunnin pe pura iyese miri; inu' ri Imu pi' ewai' tawon uya Ikuipunu ri mari anumu.

24 Tiwi miri iyepiya'ti pe ineta'pu kon nuko'mamui ayau'nokon. Miri kasa iwesi kon yau, Imu miri awonsi'ki Ikuipunu yau iwesi kon miri. 25 Seri si uyauro'ka'pu iya 'nokon itato' pe tauya—tiwiri ri uko'man nito'.

26 Seri ton menuka uya seri iyena'nokon, ayano'ma i'se 'nokon te'san esi pi'. 27 Tiwi Waku A'kwaru^s ineporo'pu kon nuko'mamui ayau'nokon, inu' ri iyenupanin kon i'se pura iwesi kon miri. Iya'kwaru uya iyenupasa' kon na'ne' tanporon pi' ri, i'napai ri iyese, enku'tinin pe pura—iyenupasa' iya 'nokon na'ne' kasa ri, iyau ri iko'manti'.

Papa Munki Amu'

28 Seri si, umunki amu' ru'kwi, iyau iko'manti'; isenpoika a'tai, enari'mura e'nito' kon pe miri awonsi'ki tipiyi'se pura irau e'nito' kon pe iyepu a'tai.

29 Ipokena' pe Sises esi tukai' i'tu auya'nokon yau, i'tu auya'nokon tanporon kon ipoken te'sen ku'nin nan esi imunki pe.

3 1 Eke pe kuru ri tauusi'nunkato' nonkasa' Ikuipunu uya upona'nokon, miri pe iyese pi' Papa munki pe ri e'sesa'nito' kon pe iyese! Kamoro pe ri si e'ni! Miri pe iyese pi', ora uya i'tun pura ri iyese, apune pura Papa i'tu iya pura ri iyese ke. 2 Utonpa ton nu'kwi, Papa munki pe ri si e'ni'nokon, e'tane i'tu pura ri mari iyese miri kasa e'nito' oton kon tukai', e'tane isenpoika a'tai,^h ikasa e'nito' oton kon i'tu uya'nokon, iye'to' pe ri ene'nokon miri. 3 Tanporon kon seri kasa te'ku'san iyau ekoruka waku pe, ikasa kuru ri esuken.

4 Tanporon kon tumakoita-san uya Papa uya apiyontin nito' i'kwitu miri, apune pura makoi esi Papa uya apiyontin nito' pura ri e'ni pe. 5 E'tane i'tu auya'nokon isenpoika'pu umakooi kon mo'kase'na, miri awonsi'ki makoi pan ni iyau. 6 Inu' ri iyau nuko'manyai'ne' e'makoimato' pen ni, e'tane kuri inu' ri e'makoiman pi' na'ne' uya ri nin ensa' pura iyese miri, miri pe pura i'tusa' iya pura ri iyese.

7 Umunki amu' ru'kwi, inu' ri ayano'mati'nin. Kuri ipoken te'sen

^s 2:27 Waku A'kwaru—*karapaiman*; itekare yau miri pe pura karapa apitu iku'to' pe ika'sa' eseru awiri Waku A'kwaru esi moro, miri pe pura iturawasooi miri pe pura pureman nito' iya esi ta e'kwa pe. ^h 3:2 isenpoika a'tai; miri pe pura, *ti'tusen pe iyena a'tai*

kupɔ pi' na'ne' esi miri ipokena' pe ri, ipokena' pe iyese na'ne' kasa ri. ⁸ɪnɔ' ri makoi kupɔ pi' nɔko'manyai'ne' ri esi miri Makoi mɔre pe, apɔne pɔra Makoi esi tɔmakooikenan pe ri pena ri iyepiya'ti'pɔ si'kiri. Seri wenai kuru si Papa Mumu usenpoika'pɔ miri Makoi tɔrawasooi ma'tanɔ'se'na. ⁹ɪnɔ' ri Papa wini iyentusa' pe na'ne' e'makoima pen miri miyari ri, apɔne pɔra Papa eseru esi iyau. Apɔne pɔra Papa wini iyentusa' pi', iye'makoima pɔra ri iyese. ¹⁰Seri kasa si i'tu miri inɔ' yan esi Papa munki amɔ' pe tukai', miri awonsi'ki inɔ' yan esi Makoi munki amɔ' pe tukai': ɪnɔ' ri ipoken te'sen kupɔ iya pɔra ri na'ne' esi miri Papa mɔre pe pɔra ri; inɔ' ri niri tɔtonpa i'nɔnka iya pɔra na'ne' esi imɔre pe pɔra.

Itonpa Kon Amɔ' I'nɔnkatɔ'

¹¹Main, iyepiya'ti' si'kiri ineta'pɔ kon esi se kasa: Utonpa kon amɔ' ti'nɔnkai' e'nito' kon pe. ¹²Keen kasa pɔra e'ti', iri pe te'sen iwano', miripan uya takon wini'pɔ. I'ri pe iyese pi' takon wini'pɔ iya? Apɔne pɔra iri pe tɔnkupɔnɔ esi pi', ipokena' pe takon nɔkupɔnɔ e'tane. ¹³Kisewansiukatɔ, utonpa ton, orɔ uya iyewaruma'ti kon yau. ¹⁴I'tu'nokon eri'nito' entakasa' uko'man nito' ya', apɔne pɔra utonpa kon i'nɔnka pi'. ɪnɔ' ri tɔusi'nɔnkasen pen enkurumɔ miri eri'nito' yau ri. ¹⁵ɪnɔ' ri tɔtonpa

ewaruma'tinin esi miri te'wisen pe ri, i'tu auya'nokon te'wisen pe te'sen yau inke uko'man nito' pɔra ri iyese.

¹⁶Se kasa usi'nɔnkan nito' i'tu miri: Sises Kurai uya tɔuko'manto' tɔrɔ'pɔ uiwano' kon pe. Miri kasa uko'man nito' kon nonkato' pe iyese miri utonpa kon iwano' pe. ¹⁷ɪnɔ' ri imaminkena' uya tɔtonpa esi i'ri ri i'se enpɔtɔ yau, e'tane isentu'ma pɔra iyese ipi', i'ri kasa ken si Papa usi'nɔnkato' esi iyau? ¹⁸Umunki amɔ' rɔ'kwɔ, umaimu kon ke, unta kon ke riken usi'nɔnkanpai'nokon pɔra man, e'tane tɔku'se kuru miri awonsi'ki i'napairon yau kuru. ¹⁹Seri kasa kuru iyese a'tai, i'tu miri i'napairon pe e'ni, uyewan kon ereuta nin si ipiyau, ²⁰uyewan kon uya uyeno'ma kon a'tai. Papa esi miri uyewan kon entai, tanporon i'tunin.

²¹Utonpa ton nɔ'kwɔ, uyewan kon uya uyeno'ma kon pɔra iyese yau, enari'mɔra ri Papa piyau e'ni'nokon ²²i'ri ri ekama'posa' a'tai repa ni iya, apiyo'man nito' iyawiri e'ni pi', tɔpori'manin kupɔ pi'. ²³Seri si seri apiyontin nito' iya: Tɔmu, Sises Kurai ese' yau apurito' pe, miri awonsi'ki utonpa kon ti'nɔnkai' e'nito' pe uyapiyo'masa' iya 'nokon na'ne' awiri. ²⁴Kamoro apiyontin nito' iyawiron kon uko'mamɔ miri iyau, miri awonsi'ki to' yau niri iko'mamɔ. Seri wini i'tu miri uyau'nokon iyese tukai': I'tu'nokon Iya'kwarɔ uyena'nokon intɔrɔ'pɔ wini.

A'kwaru Ton I'tu

4 ¹Utonpa ton nu'kwi, tanporon ni a'kwaru amu' kusapurituu, e'tane tanporo ka'pon amu' i'tuti' Papa winon pe pe' to' esi tukai', arune para tu'ke kuru ennakanin nan pu'kena' amu' utisa' miri seri non po. ²Se kasa Papa A'kwaru i'tuto' auya'nokon esi miri: Tanporon ka'pon amu' a'kwaru, Sises Kurai uyee'pu ka'pon pe tukai' ekamanin pe na'ne' nan esi miri Papa winon kon pe, ³e'tane tanporon ka'pon amu' a'kwaru Sises i'tu iya para na'ne' nan esi miri Papa winon kon pe para. Seri esi miri Kurai pe itese' ennakanin a'kwaru pe, iye'to' oton tukai' ineta'pu kon, miripan uye'ka'sa' man seri non pona.

⁴Imiri'nokon, umunki amu' ru'kwi, esi Papa winon kon pe, miripan kon entai iyena'pu kon, arune para ayau'nokon na'ne' esi pana' pe pari seri non pon entai. ⁵Kamoro esi seri non pon kon pe, miripan kon usauroku non winon pe ri, miripan kon maimu eta non uya ri. ⁶Uri'nokon esi Papa winon kon pe, miripan inu' ri Papa i'tunin esi a'tai, uyeta iya 'nokon miri; e'tane inu' ri Papa winon pen esi a'tai, umaimu kon eta iya pen miri. Seri wini i'tu'nokon miri, nai esi i'napairon A'kwaru' pe, miri awonsi'ki nai esi kasi ye' a'kwaru pe tukai'.

Papa Usi'nunkato' Miri
Awonsi'ki Usi'nunkan Nito'

⁷Utonpa ton nu'kwi, utonpa kon ti'nunkai' e'nipai'nokon, arune para usi'nunkan nito' esi Papa winon pe. Tanporon kon tausi'nunkasan esi a'tai, Papa munki pe to' esi miri, miripan kon uya Papa i'tu. ⁸Inu' ri tausi'nunkasen pen esi a'tai, Papa i'tunin pe para iyese miri, arune para Papa esi usi'nunkan pe. ⁹Se kasa Papa uya tausi'nunkato' enpoika'pu miri u'koro'tau'nokon: Tikin nan kuru ri Tamu ennoko'pu iya seri non pona, iporo uko'man nito' kon pe. ¹⁰Seri si seri usi'nunkan nito': Papa i'nunka'pu uya'nokon pen, e'tane Papa uya ui'nunka'pu kon, miripan uya Tamu ennoko'pu tupokon pe konekanin wanni pe tusakorooi apai' umakooi kon tamo'kai'. ¹¹Utonpa ton nu'kwi, Papa uya ui'nunkasa' kon pi', utonpa kon kanan i'nunkato' pe iyese. ¹²Inu' uya ri Papa ensa' para iyese; e'tane utonpa kon i'nunka pe iyese yau, Papa uko'mamu miri uyau'nokon, isi'nunkato' ena miri uyau'nokon mararon pe para.

¹³Iya uko'man ni miri awonsi'ki uyau'nokon iyese i'tu'nokon, arune para Ta'kwaru ke repanisa' iya. ¹⁴Ene'pu uya'nokon, miripan ekama uya'nokon Ikuirunu uya

¹4:6 A'kwaru, miri pe para a'kwaru ¹4:10 tupokon pe konekanin wanni pe tusakorooi apai; miri pe para, tukota'man nito' i'ni'panu'nin pe

4:12 Isaan 1:18

Tamu ennoko'pu seri non pika'tinin pe. ¹⁵ Inu' ri Sises i'tuyai'ne' Papa Mu pe esi yau, Papa esi miri iyau, kuri ri kanan esi Papa yau. ¹⁶ I'tu'nokon miri awonsi'ki apuri Papa uya ui'nunkato' kon.

Papa esi usi'nunkan. Inu' ri uko'mamu a'tai usi'nunkan nito' yau, uko'mamu miri Papa yau, miri awonsi'ki Papa niri uko'mamu iyau. ¹⁷ Usi'nunkan nito' enasa' waku pe mararon pe para upiyau'nokon, enari'ke' pe e'ni namai' eseru aimenka weyu a'tai, apune para ikasa enan nisa' pi' seri non po. ¹⁸ Enari'ke' pe e'nito' para iyese miri usi'nunkan nito' yau. E'tane waku usi'nunkan nito' uya enari'ke' pe e'nito' ainunpa, apune para enari'ke' e'nito' esi ekota'man i'tu wenai. Kuri ri enari'ke' pe na'ne' ekonekasa' para iyese miri waku pe usi'nunkan nito' yau.

¹⁹ Usi'nunka'nokon, apune para wapiya ui'nunkasa' iya 'nokon pi'. ²⁰ Inu' ri, "Papa i'nunka uya," tai'ma, tatonpa ewaruma'tinin esi yau, kasi ye' pe iyese miri. Inu' ri tatonpa, tunenenu i'nunkanin pen uya Papa i'nunka para iyese tunene'pu pen ni. ²¹ Miripan uya seri si apiyo'man nito' tusa' uyena'nokon: Inu' ri Papa i'nunkanin uya tatonpa i'nunkato' pe ri mari iyese, tawon.

Papa Mumu Apurito'

5 ¹ Tanporon kon Sises esi Kurai pe tukai' apurinin nan esi miri Papa munki pe. Tanporon kon ikupunu i'nunkanin nan esi, imure ri mari i'nunkanin nan pe. ² Se kasa i'tu miri Papa munki amu' i'nunka tukai': Papa i'nunka miri awonsi'ki apiyontin nito' ari pi' e'ni a'tai. ³ Seri seri Papa i'nunka eseru: Apiyo'man nito' iyawiri te'se. Apiyo'man nito' esi e'tape'ne' pe para ri, ⁴ apune para Papa munki amu' uya oru wapiya'ka. Seri seri unapurinu kon iwapiya'kanin oru entai iyenasa'. ⁵ Inu' kuri oru entai tenasen? Kuri riken Papa Mu pe Sises esi tukai' apurinin.

⁶ Puse ri kuri ri tuna miri awonsi'ki mun wini iye'sa' ru'pu—Sises Kurai. Tuna wini riken iye'e'pu pen, e'tane tuna miri awonsi'ki mun wini. Miri awonsi'ki Ita'kwaru uya ri ekama, apune para Ita'kwaru esi i'napairon pe. ⁷ Apune para osoruwawon esi ekamanin pe: ⁸ Ita'kwaru, tuna miri awonsi'ki mun; miri si osoruwawon esi isi'kaisa ri iteseru.^k ⁹ Ka'pon nekamanu anunnin nan uri'nokon, e'tane Papa nekamanu esi eke pe kuru, apune para Papa nekamanu pe iyese, inturu'pu tamu pi'. ¹⁰ Inu' ri Papa Mumu apurinin ewan yau seri

^k 5:7-8 Seri pe iwa imenukasa' Ra'ten yai Roman amu' napurinu: ⁷ Apune para osoruwawon esi Epun pon ekamanin; Ikupunu, Main miri awonsi'ki Waku A'kwaru, seri ton si osoruwawon esi tikin ni. ⁸ Miri awonsi'ki osoruwawon esi non po ekamanin pe; Iya'kwaru, tuna miri awonsi'ki mun. (Iye'seporo para iyese Kiri' amu' numenuka'pu yau 1500 rawiri.)

tekamasen esi. Inu' ri Papa apurinin pen uya kasi ye' pe iku'sa' miri, apune para Papa nekama'pu apurisa' iya para iyesei tamu pi' isauru'tane. ¹¹Seri si inekamanu: Papa uya tiwiri uko'man nito' ke repan nisa', seri si uko'man nito' esi imu yau.

¹²Kuri imu esa' pe na'ne' esi uko'man nito' esa' pe; kuri imu esa' pe para na'ne' esi uko'man nito' esa' pe para.

Iu'matu Pe Usauro'ni

¹³Seri ton menuka uya seri iyena'nokon imiri'nokon Papa Mumu ese' apurinin nan, i'tu kon pa inke uko'man nito' esa' pe iwesi kon tukai'. ¹⁴Iye'kupu tato' kuru ri esi upiyau'nokon Papa epoto' iyau: i'ri ri ekama'po pe iyesei yau, iteseru yau, uyeta iya 'nokon. ¹⁵Miri awonsi'ki uyeta iya 'nokon tukai' i'tu yau, unekama'ponu kon ni i'tu, ipi' unekama'po'pu kon ni esa' pe e'ni tukai'.

¹⁶Inu' uya ri tutonpa uya makoi kupu ene yau uma'tan nito' ya'

anin pen, nipuremai Papa uya iko'manto' ke irepato' pe. Kamoro makoi narinu ton pen uma'tan nito' ya' pi' ta uya miri. Moro makoi esi miri uma'tan nito' ya' anin. Miri pi' nipuremai ta uya pen. ¹⁷Tanporon ipokena' pen kupu esi makoi pe, e'tane moro makoi esi uma'tan nito' ya' anin pen.

¹⁸I'tu'nokon inu' ri Papa mure pe te'sen esi miyari ri umakoitan pi' te'sen pe para; kuri Papa mure uya enkurunpa waku pe, miri awonsi'ki iri na'pitunu pe para ri. ¹⁹I'tu'nokon Papa munki amu' pe e'ni'nokon, miri awonsi'ki i'tu'nokon tanporo ora esi iri e'to' itesa' pe. ²⁰I'tu'nokon ni niri Papa Mumu uyee'pu, miripan uya ito'ka'nu'to' ike ke repan nisa', i'napai ri tesi i'tuto' pe. Miripan kuri ri i'napai ri te'sen iyau e'ni—imu ri Sises Kurai yau. I'napairi ri Papa pe miri awonsi'ki tiwiri ri uko'man nito' pe iyesei.

²¹Umunki amu' ru'kwi, papa tato' ipi' pe ika'sa' kon piyau ke'tau.